



Javno preduzeće

ELEKTROPRIVREDA BOSNE I HERCEGOVINE

ELEKTROPRIVREDA BOSNE I HERCEGOVINE d.d. - Sarajevo

SARAJEVO
PODRUŽNICA TERMOELEKTRANA "KAKANJ"

PRIMLJENO	21-02-2024
BROJ PROTOKOLA	2198-1/24
ORGANIZACIONA JEDINICA	02-45-2 PRILOG

Sarajevo, 19-02-2024
Broj: 02-580-1/24

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", broj 39/14 i 59/22), člana 95. Statuta JP Elektroprivreda BiH d.d. - Sarajevo (prečišćeni tekst) broj NO-2190/21-41./2. od 25.01.2021. godine i broj: SD-20745/21-70./6., od 30.07.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – Prečišćeni tekst-, broj: 06-8661-1/2023 od 10.03.2023. godine i broj: U-01-40623-1/23-18/34 od 14.11.2023. godine, v.d. Izvršnog direktora za proizvodnju, na preporuku Komisije za javne nabavke, d o n o s i

O D L U K U

o izboru najpovoljnijeg ponuđača po Otvorenom postupku javne nabavke uz korištenje e-aukcije u predmetu Nabavka dijelova po crtežima za potrebe remonta postrojenja dobave uglja za potrebe Podružnice Termoelektrana "Kakanj" Kakanj

Član 1.

U Otvorenom postupku javne nabavke uz korištenje e-aukcije u predmetu Nabavka dijelova po crtežima za potrebe remonta postrojenja dobave uglja za potrebe Podružnice Termoelektrana "Kakanj", Kakanj, po Tenderu broj 2000039713, broj obavještenja o nabavci sa portala javnih nabavki: 1424-1-1-316-3-656/23, kao najpovoljniji ponuđač izabran je

ERAX - INVEST d.o.o. Banovići sa cijenom od 254.000,00 KM bez PDV-a

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka predmetne javne nabavke.

Član 3.

Obavezuje se Ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente navedene u tački 6.2.2. Tenderske dokumentacije broj 2000039713.

Obrazloženje

U predmetnom otvorenom postupku javne nabavke koji je dana 28.12.2023. godine objavljen na Portalu www.ejn.gov.ba i u „Službenom glasniku BiH” broj 1 od 05.01.2024. godine, ponudu su dostavila četiri ponuđača, i to:

- ERAX - INVEST d.o.o. Banovići
- INDEX d.o.o. Gračanica
- ENEK B&E d.o.o. Sarajevo
- BRATSTVO-HOLDING d.d. Novi Travnik

U Zapisniku o pregledu i ocjeni ponuda od dana 09.02.2024. godine, Komisija za javne nabavke je utvrdila da:

- je procijenjena vrijednost predmetne nabavke 285.000,00 KM, a cijena ponude ponuđača ENEK B&E d.o.o. Sarajevo je 417.712,00 KM, ista, dakle, premašuje osigurana sredstva ugovornog

organa za predmetnu nabavku, te se u skladu sa tačkom 2.1. 2) tenderske dokumentacije odbacuje kao neprihvatljiva.

- Ponuđač BRATSTVO-HOLDING d.d. Novi Travnik nije dostavio ponudu u skladu sa kriterijima koji su utvrđeni u tenderskoj dokumentaciji tačka 5.2, tačka 5.5 i tačka 5.21. Ponuđač je dostavio garanciju za ozbiljnost ponude koja nije čvrsto uvezana uz ponudu, a kako je to traženo tačkom 5.5 tenderske dokumentacije " Svi listovi ponude moraju biti čvrsto uvezani, čvrsto lijepljeni uvez u obliku knjige/sveske ili uvez s jemstvenikom koji je zalijepljen i ovjeren pečatom firme ponuđača. Ponuda se čvrsto uvezuje na način da se onemogući naknadno vađenje ili umetanje listova" i tačkom 5.21 "Garancija se dostavlja u originalu u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača) i na taj način se uveže u cjelinu i čini sastavni dio ponude", te se njegova ponuda u skladu sa tačkom 5.2 tenderske dokumentacije odbacuje kao neprihvatljiva.

Komisija za javne nabavke ugovornog organa izvršila je otvaranje, pregled i ocjenu primljenih ponuda, te je, na osnovu kriterija „najniža cijena“, utvrdila rang listu prihvatljivih ponuđača kako slijedi:

1. INDEX d.o.o. Gračanica sa cijenom ponude od 284.676,60 KM
2. ERAX - INVEST d.o.o. Banovići sa cijenom ponude od 284.999,00 KM

Nakon provedenog postupka e-aukcije, u skladu sa Izvještajem o toku i završetku e-aukcije, utvrđena je konačna rang lista ponuđača koji su učestvovali u e-aukciji:

1. ERAX - INVEST d.o.o. Banovići sa cijenom ponude od 254.000,00 KM
2. INDEX d.o.o. Gračanica sa cijenom ponude od 255.000,00 KM

Na osnovu rezultata konačne rang liste i Izvještaja o toku i završetku e-aukcije, Komisija za javne nabavke ugovornog organa ocijenila je da je najpovoljnija ponuda prvorangiranog ponuđača ERAX - INVEST d.o.o. Banovići sa cijenom od 254.000,00 KM (bez PDV-a), a koja je zadovoljila postavljene zahtjeve iz Tenderske dokumentacije broj 2000039713.

Na osnovu navedenog, donesena je odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. – Sarajevo u roku od 10 (deset) dana od dana prijema ove Odluke.

Žalba se podnosi u najmanje 3 (tri) primjerka.

v.d. Izvršnog direktora za proizvodnju
Fahrudin Tanović



Dostaviti:

- Ponuđačima
- Služba za komercijalne poslove
- a/a